



basic education

Department:
Basic Education
REPUBLIC OF SOUTH AFRICA

SENIOR CERTIFICATE EXAMINATIONS

ISIZULU ULIMI LOKUQALA LOKWENGEZA (FAL)

IPHEPHA LESITHATHU (P3)

2016

AMAMAKI: 100

ISIKHATHI: Amahora ama-2½

Leli phepha linamakhasi ayisi-6.

IMIYALELO KWABAHLOLWAYO

1. Leli phepha lehlukane IZIQEPHU EZINTATHU:
ISIQEPHU A: Indaba (50)
ISIQEPHU B: Imibhalo emide edlulisa imiyalezo (30)
ISIQEPHU C: Imibhalo emifishane edlulisa imiyalezo (20)
2. Abahlolwayo kulindeleke ukuba baphendule umbuzo OWODWA ESIQESHINI A, OWODWA ESIQESHINI B kanye noWODWA ESIQESHINI C.
3. Bhala usebenzise ulimi ohlolwa ngalo.
4. Abahlolwayo mabaqale umbuzo NGAMUNYE ekhasini ELISHA.
5. Bhala uhlaka ekhasini lephepha lakho lokuphendulela imibuzo, lube sekhasini lwalo lodwa. (Indaba kuphela edinga uhlaka.)
6. Uyayalwa ukuba usebenzise isikhathi sokubhala ngale ndlela elandelayo:
ISIQEPHU A: Amaminithi angama-80
ISIQEPHU B: Amaminithi angama-40
ISIQEPHU C: Amaminithi angama-30
7. Ungazishintshi izinombolo zemibuzo. Zibhale njengoba zinjalo ephepheni lemibuzo.
8. Abahlolwayo mabaqaphelisise isipelingi kanye nokwakheka kwemisho.
9. Ungazibali izihloko nezihlokwana lapho usubala inani lamagama omsebenzi wakho.
10. Bhala ngobunono nangesandla esifundekayo.

ISIQEPHU A: INDABA**UMBUZO 1**

Khetha isihloko ESISODWA kwezilandelayo ubhale ngaso indaba ibe ngamagama ayi-190 kuya kwangama-240.

QAPHELA: Bhala uhlaka lwendaba yakho lube sekhasini lalo lodwa.

1.1 Bhala indaba ngesihloko esithi:

Ungabomethemba Umuntu.

[50]

1.2 Bhala indaba ngesihloko esithi:

Ngiyaziqhenya Ngesiko Lami.

[50]

1.3 Bhala indaba ngesihloko esithi:

Ukubaluleka Kokuba Nomazisi (ID).

[50]

1.4 Bhala indaba ngesihloko esithi:

Ukufika Kukamakhelwane Omusha Kungaletha Ukuthula Nomsindo Endaweni.

[50]

1.5 Bhala indaba ngesihloko esithi:

Abantu Abasha Bayawathola Yini Amathuba Alinganayo Emisebenzi?

[50]

1.6 Bukisisa lezi zithombe ezilandelayo bese ukhetha ESISODWA ubhale ngaso indaba. Nika indaba yakho isihloko.

1.6.1



[Sicashunwe ku-www.googlepics.com]

[50]

1.6.2



[Sicashunwe ku-www.googlepics.com]

[50]

1.6.3



[Sicashunwe ku-www.disaster.com]

[50]

AMAMAKI ESIQEPHU A:

50

ISIQEPHU B: IMIBHALO EMIDE EDLULISA IMIYALEZO**UMBUZO 2**

Khetha isihloko ESISODWA kwezilandelayo ubhale ngaso kube ngamagama angama-80 kuya kwayi-100.

2.1 INCWADI YOMSEBENZI/ESEMTHEHWENI

Inkampani yamabhasi inezikhala zabafuna umsebenzi wokushayela. Abafuna ukufaka izicelo kufanele babe nalokhu okulandelayo:

- Izincwadi zokushayela ezingukhodi-14
- Imvume yokuthutha umphakathi ('PDP')
- Isitifiketi sikaMatikuletsheni

Bhala incwadi yesicelo somsebenzi kuleli kheli elilandelayo:
Siyakhula Bus Service, 48 Mabalane Road, Cresmore, 3712

[30]**2.2 UMLANDO NGOMUFI**

Umalume wakho obesegule isikhathi eside ushonile. Umndeni ukucele ukuba ubhale umlando wakhe ngoba ukhule uhlala naye. Bhala umlando ngomufi.

[30]**2.3 I-AJENDA NAMAMINITHI OMHLANGANO**

UMkhandlu omele abazali ('SGB') ubuhlangene uxoxa ngokunyuka kwemali yesikole yangonyaka wezi-2017 kanye nokuthuthukiswa kwesikole. Bhala i-ajenda kanye namaminithi omhlangano.

[30]**2.4 INKULUMO-MPENDULWANO/INGXOXO**

Uthe uzihambela olwandle wahlangana nomngani wakho okade wamgcina ehamba nengane yakhe encane. Bhala inkulumo-mpendulwano/ingxoxo eyaba phakathi kwakho nomngani wakho.

[30]**AMAMAKI ESIQEPHU B:****30**

ISIQEPHU C: IMIBHALO EMIFISHANE EDLULISA IMIYALEZO**UMBUZO 3**

Khetha isihloko ESISODWA ubhale ngaso kube ngamagama angama-60 kuya kwangama-80.

3.1 ISIKHANGISI

Endaweni yangakini uvule ilondolo ('dry clean') yokuwasha yonke into. Bhala isikhangisi esizoheha amakhasimende.

[20]**3.2 IPHOSIKHADI**

Emsebenzini wakho bakucele ukuba uhambise izivakashi ezivela emazweni ahlukene e-Robben Island ukuyofunda ngomlando waseNingizimu Afrika. Bhalela imenenja ephethe uMnyango weZokuvakasha iphosikhadi uyixoxele ngohambo lwenu.

[20]**3.3 IMIYALELO**

Namhlanje usuku lokuhola impesheni ehholo lomphakathi. Umama wakho ucele ukuba wenze itiyi elizophuzwa ogogo nomkhulu abangamashumi amathathu abazobe bezohola. Bhala iresiphi yokwenza itiyi.

[20]

AMAMAKI ESIQEPHU C: 20
AMAMAKI ESEWONKE: 100